




Dod â'ch dyfarniad credydau



Rydym yn dod â'ch dyfarniad credydau treth i ben oherwydd eich bod chi neu'ch partner naill ai:

- wedi hawlio Credyd Cynhwysol/Credyd Pensiwn
- heb hawlio Credyd Cynhwysol/Credyd Pensiwn erbyn y dyddiad cau a ddangosir ar eich llythyr Hysbysiad o Symud oddi wrth DWP/DfC

I wneud yn siŵr ein bod wedi talu'r swm cywir o greddyau treth i chi, ac am y cyfnod dyfarnu cywir, gwiriwch yr wybodaeth yn eich **Adolygiad o Ddyfarniad** drwy ddilyn y 3 cham hyn.

Cam A

Gwiriwch fod yr amgylchiadau personol y gwnaethom seilio'ch hawliad arnynt ar ddechrau cyfnod eich dyfarniad yn gywir.



Cam B

Gwiriwch fod unrhyw newidiadau a wnaed i'ch hawliad yn ystod cyfnod eich dyfarniad yn gywir. Gallai'r rhain fod yn newidiadau yr ydych wedi rhoi gwybod i ni amdanynt, neu newidiadau yr ydym wedi'u gwneud. Os oes unrhyw newidiadau ar goll, yn anghywir neu os nad ydych wedi rhoi gwybod i ni am unrhyw newid, rhaid i chi roi gwybod i ni nawr. Darllenwch dudalennau 2 i 4 o'r nodiadau hyn i'ch helpu.



Cam C

Gwiriwch eich Adolygiad o Ddyfarniad. Mae'n bosibl y dangosir manylion incwm gan eich cyflogwyr a'ch darparwyr pensiwn ar eich cyfer chi a'ch partner. Rhaid i chi wirio a yw'r ffigurau ar gyfer eich incwm yn gywir, ac a oes angen i chi wneud unrhyw addasiadau. Darllenwch dudalen 4 o'r nodiadau hyn i'ch helpu.



A yw'r holl fanylion yn gywir?

Os yw'r holl fanylion yn gywir:

- nid oes yn rhaid i chi wneud unrhyw beth arall
- byddwn yn dod â'ch credydau treth i ben yn awtomatig
- bydd y llythyr Adolygiad o Ddyfarniad TC603UR a ddaeth gyda'r nodiadau hyn yn gweithredu fel eich hysbysiad o ddyfarniad

Ni fyddwn yn anfon hysbysiad o ddyfarniad arall atoch oni bai eich bod yn rhoi gwybod am newid, felly cadwch eich Adolygiad o Ddyfarniad rhag ofn y bydd ei angen arnoch.




Rhywbeth o'i le?

Os oes unrhyw fanylion yn anghywir, ffoniwch ni nawr ar 0300 200 1900.

Mae'n bwysig eich bod yn rhoi gwybod i ni nawr, fel y gallwn sicrhau eich bod wedi cael y swm cywir o arian yn ystod cyfnod eich dyfarniad.


Gwirio'ch amgylchiadau personol ac unrhyw newidiadau

Mae'n rhaid i chi roi gwybod i ni ar unwaith os yw'r wybodaeth hon yn anghywir, neu os yw'ch amgylchiadau wedi newid.

 I gael rhestr lawn o'r newidiadau y mae'n rhaid i chi roi gwybod i ni amdanynt, ewch i www.gov.uk/newidiadau-ffeithio-credydau-treth

Hawliadau sengl ac ar y cyd

Mae'ch Adolygiad o Ddyfarniad yn dangos a wnaethoch hawlio fel person sengl, neu ar y cyd fel cwpl, ar ddechrau cyfnod eich dyfarniad. Os gwnaethoch hawlio fel cwpl, byddwn yn dangos y ddau enw. Mae'r ddau ohonoch yn gyfrifol am sicrhau bod yr holl fanylion yn yr adolygiad yn gywir.

 Os nad ydych yn siŵr a fyddech yn cael eich ystyried fel rhan o gwpl, ewch i www.gov.uk/claim-tax-credits/joint-claims neu ffoniwch ein llinell gymorth.

i Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad:

- gwnaethoch ddechrau byw gyda'ch gilydd fel cwpl
- gwnaethoch briodi neu ffurfio partneriaeth sifil
- gwnaethoch wahanu oddi wrth eich partner yn barhaol
- gwnaeth eich partner farw

Ble'r ydych yn byw

Mae'ch Adolygiad o Ddyfarniad yn dangos y wlad y buoch yn byw ynddi'r rhan fwyaf o'r amser yn ystod cyfnod y dyfarniad. Os oedd eich prif gartref yng Nghymru, Lloegr, yr Alban neu Ogledd Iwerddon (ond nid Ynysoedd y Sianel nac Ynys Manaw), rydym yn dangos eich bod yn byw yn y DU.

i Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad, roeddech chi neu'ch partner:

- wedi gadael y DU yn barhaol
- wedi mynd dramor am fwy nag 8 wythnos (neu fwy na 12 wythnos os aethoch dramor oherwydd eich bod yn sâl, neu oherwydd bod aelod o'ch teulu yn sâl neu wedi marw)
- wedi colli'ch hawl i breswlio yn y DU

 I gael rhagor o wybodaeth, ewch i GOV.UK a chwilio am WTC/FS6.

Anabledd – oedolion

Os oedd gennych anabledd, a chwsoch elfen anabledd neu elfen anabledd difrifol y Credyd Treth Gwaith (WTC), fe'i dangosir ar eich Adolygiad o Ddyfarniad.

Gwnewch yn siŵr eich bod wedi rhoi gwybod i ni os gwnaethoch chi neu'ch partner ddechrau neu stopio cael budd-dal cysylltiedig ag anabledd cymwys, a oedd yn eich galluogi i hawlio'r elfennau anabledd neu anabledd difrifol o gredydau treth.

 I gael rhagor o wybodaeth, ewch i GOV.UK a chwilio am TC956.

Eich gwaith, budd-daliadau a chyflogaeth

Mae'ch Adolygiad o Ddyfarniad yn dangos y wlad y buoch yn gweithio ynddi'r rhan fwyaf o'r amser, a chyfanswm oriau'r wythnos y chwsoch eich talu am weithio fel arfer. Bydd hefyd yn dangos a chwsoch Gymhorthdal Incwm, Lwfans Ceisio Gwaith ar sail incwm, Lwfans Cyflogaeth a Chymorth yn ymwneud ag incwm neu Gredyd Pensiwn.

i Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad, roeddech chi neu'ch partner:

- wedi cael Credyd Treth Gwaith (WTC) a bod eich absenoldeb mamolaeth wedi para mwy na 39 wythnos
- wedi rhoi'r gorau i weithio neu wedi colli'ch gwaith
- wedi newid eich oriau gwaith arferol fel bod y naill neu'r llall ohonoch wedi gweithio llai nag
 - 16 awr yr wythnos
 - 24 awr yr wythnos
 - 30 awr yr wythnos (ar gyfer cyplau sydd â phlant, rhaid i un ohonoch weithio o leiaf 16 awr – rhaid i chi adio'ch oriau gwaith at ei gilydd er mwyn i chi allu penderfynu a ydych yn gweithio llai na 24 neu 30 awr)
- wedi cael elfen anabledd y Credyd Treth Gwaith ac wedi dechrau gweithio am lai nag 16 awr yr wythnos
- wedi cymryd rhan mewn gweithredu diwydiannol am fwy na 10 diwrnod yn olynol

- wedi dechrau neu stopio cael Cymhorthdal Incwm, Lwfans Ceisio Gwaith ar sail incwm, Lwfans Cyflogaeth a Chymorth yn ymwneud ag incwm neu Gredyd Pensiwn
- wedi cael incwm o hunangyflogaeth, gan gynnwys grantiau o'r Cynllun Cymhorthdal Incwm Hunangyflogaeth
- wedi stopio bod yn analluog i weithio, yn glaf mewn ysbyty, yn y carchar neu yn y ddalfa'n aros achos llys neu ddedfryd
- â hawl i Lwfans Gofalwr neu Daliad Cymorth Gofalwr

 I gael rhagor o wybodaeth, ewch i GOV.UK a chwilio am WTC2.

Eich plant a phobl ifanc cymwys

Erbyn hyn, ni allwch gael elfen plentyn y Credyd Treth Plant ar gyfer trydydd plentyn nac unrhyw blant pellach a anwyd ar ôl 6 Ebrill 2017, oni bai bod un o'r eithriadau yn berthnasol – i gael rhagor o wybodaeth, ewch i www.gov.uk/guidance/child-tax-credit-exceptions-to-the-2-child-limit.cy

Bydd elfen anabledd y Credyd Treth Plant ac elfen gofal plant y Credyd Treth Gwaith yn cael eu talu ar gyfer pob plentyn cymwys, hyd yn oed os na fyddwn yn talu'r elfen plentyn unigol ar gyfer y plentyn hwnnw.

Dylech roi gwybod am enedigaeth plentyn ac am unrhyw newidiadau sy'n ymwneud â'ch plant neu bobl ifanc bob tro, oherwydd efallai y gallwch gael mwy o arian.

Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad:

- gwnaeth nifer y plant neu bobl ifanc yr oeddech yn gyfrifol amdanynt newid, er enghraifft, gwnaeth y nifer
 - gynyddu oherwydd ymunodd plentyn neu berson ifanc â'ch teulu neu cafodd ei osod gyda'ch teulu i gael ei fabwysiadu, neu oherwydd ganed baban
 - ostwng oherwydd gadawodd plentyn neu berson ifanc eich teulu, er enghraifft, fe'i cymerwyd i ofal, cafodd ei faethu neu ei fabwysiadu gan deulu arall, neu cafodd ei gadw yn y ddalfa am fwy na 4 mis ar ôl ei gael yn euog gan lys a'i ddedfrydu, neu bu farw
- bu unrhyw newidiadau a effeithiodd ar addysg amser llawn nad yw'n addysg uwch neu hyfforddiant cymeradwy person ifanc cymwys, er enghraifft
 - gwnaeth person ifanc y cawsoch Credyd Treth Plant ar ei gyfer adael addysg amser llawn nad yw'n addysg uwch neu hyfforddiant cymeradwy cyn iddo gyrraedd 20 oed, neu rhoddodd y gorau i fod yn gofrestredig â gwasanaeth gyrfaedd, gwasanaeth Connexions, neu wasanaeth cyfatebol
 - gwnaethoch roi gwybod i ni eich bod yn disgwyl i berson ifanc barhau mewn addysg amser llawn nad yw'n addysg uwch neu hyfforddiant cymeradwy ar ôl 31 Awst yn dilyn y dyddiad gwnaeth droi'n 16 oed, ond ni wnaeth y person ifanc hynny yn y pen draw
 - gwnaeth person ifanc ddechrau i addysg amser llawn nad yw'n addysg uwch neu hyfforddiant cymeradwy, a gwnaeth naill ai ddechrau, ymrestru ar gyfer, neu gael ei dderbyn ar gwrs cyn iddo gyrraedd 19 oed
- gwnaeth person ifanc cymwys ddechrau mewn cyflogaeth â thâl, neu cafodd fudd-daliadau ei hun, (er enghraifft Credyd Cynhwysol) neu
 - dechreuodd gael ei hyfforddiant o dan gytundeb cyflogaeth
 - cofrestrodd gyda gwasanaeth gyrfaedd cymwys ar ôl gadael addysg amser llawn nad yw'n addysg uwch neu hyfforddiant cymeradwy, ac roedd yn cael ei dalu am weithio o leiaf 24 awr yr wythnos

Mae'r elfen plentyn ar gyfer person ifanc 16, 18 neu 19 oed yn dod i ben yn awtomatig bob blwyddyn, oni bai eich bod wedi rhoi gwybod i ni ei fod yn parhau mewn addysg amser llawn nad yw'n addysg uwch neu hyfforddiant cymeradwy.

Enabledd – plant a phobl ifanc

Mae'n bosibl eich bod wedi cael Credyd Treth Plant ychwanegol am fod gan eich plentyn anabledd.

Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad, gwnaethoch ddechrau cael neu roi'r gorau i gael y canlynol:

- Lwfans Byw i'r Anabl (DLA) neu'r Taliad Anabledd Plant (CDP) yn yr Alban neu'r elfen gofal cyfradd uchaf o DLA/CDP ar gyfer eich plentyn
- Taliad Annibyniaeth Personol (PIP) neu Daliad Anabledd i Oedolion (ADP) yn yr Alban neu elfen bywyd bob dydd ychwanegol o PIP/ADP ar gyfer eich plentyn
- Taliad Annibyniaeth y Lluoedd Arfog ar gyfer eich plentyn

Dylech hefyd fod wedi rhoi gwybod i ni:

- os oedd y plentyn neu'r person ifanc wedi'i ardystio fel unigolyn â nam difrifol ar ei olwg, neu'n ddall, gan offthalmolegydd ymgynghorol, neu wedi peidio â chael ei ardystio mwyach fel unigolyn â nam difrifol ar ei olwg, neu'n ddall, gan offthalmolegydd ymgynghorol, yn y 28 wythnos cyn dyddiad eich hawliad neu'ch adnewyddiad
- os nad oedd y plentyn neu'r person ifanc wedi'i ardystio mwyach fel unigolyn â nam difrifol ar ei olwg, neu'n ddall, gan offthalmolegydd ymgynghorol

 I gael rhagor o wybodaeth, ewch i GOV.UK a chwilio am WTC2.

Costau gofal plant

Mae'ch Adolygiad o Ddyfarniad yn dangos y costau gofal plant wythnosol cyfartalog y rhoesoch wybod i ni eich bod yn disgwyl eu talu. Bydd hefyd yn dangos unrhyw newidiadau gofal plant y gwnaethoch roi gwybod i ni amdanynt yn ystod cyfnod eich dyfarniad. Rhaid i chi wirio a yw'r manylion hyn yn gywir.

 Gallwch ddefnyddio'r gyfrifiannell ar-lein – ewch i www.gov.uk/childcare-costs-for-tax-credits

i Gwnewch yn siŵr eich bod wedi rhoi gwybod i ni os, yn ystod cyfnod eich dyfarniad:

- gwnaeth eich darparwr gofal plant stopio â bod yn gofrestredig neu'n gymeradwy
- gwnaethoch ddechrau defnyddio darparwr gofal plant nad oedd wedi ei gofrestru na'i gymeradwyo
- gwnaethoch ddechrau defnyddio perthynas i ofalu am eich plentyn, yng nghartref y plentyn
- gwnaethoch ddechrau talu am ofal plant cofrestredig a chymeradwy
- gwnaeth eich costau gofal plant wythnosol cyfartalog gynyddu neu ostwng £10 neu'n fwy, neu daethant i ben
- gwnaeth eich plentyn roi'r gorau i fynd i ofal plant am 4 wythnos neu fwy pan fyddai fel arfer wedi mynd
- cyrhaeddodd eich plentyn ei ben-blwydd yn 15 oed (neu ei ben-blwydd yn 16 oed os oedd yn anabl)
- gwnaethoch ddechrau cael help gan rywun arall tuag at eich costau gofal plant, er enghraifft, talebau gofal plant

 I gael rhagor o wybodaeth am gostau gofal plant, ewch i GOV.UK a chwilio am WTC5.

Eich incwm

Incwm o gyflogaeth ac incwm o bensiynau galwedigaethol

Gall eich Adolygiad o Ddyfarniad ddangos incwm y mae eich cyflogwyr neu ddarparwyr pensiwn galwedigaethol wedi'i roi i Gyllid a Thollau EF. Y ffigur ar eich Adolygiad o Ddyfarniad fydd cyfanswm yr incwm a roesant ar gyfer y cyfnod hwn. Dyma'r ffigurau incwm y byddwn yn eu defnyddio i gwblhau'ch hawliad, felly mae'n bwysig eich bod yn rhoi gwybod i ni os ydych yn credu eu bod yn anghywir.

Mae incwm rydym yn ei ddefnyddio i gyfrifo'ch credydau treth yn cynnwys:

- enillion o gyflogaeth – defnyddiwch eich slip cyflog diwethaf cyn y dyddiad y daeth cyfnod eich dyfarniad i ben, er enghraifft
 - os daeth cyfnod eich dyfarniad i ben ar 5 Hydref ac rydych yn cael eich talu'n fisol, dylech ddefnyddio'ch slip cyflog ar gyfer mis Medi
 - os ydych yn cael eich talu'n wythnosol, defnyddiwch eich slip cyflog diwethaf sy'n dangos y cyflog a gafwyd ar neu cyn 5 Hydref
 - defnyddiwch y ffigur 'cyfanswm cyflog hyd yma' ar y slip cyflog hwn
 - os oes gennych P45 am eich bod wedi rhoi'r gorau i weithio yn ystod cyfnod y dyfarniad, defnyddiwch y ffigur 'cyfanswm cyflog hyd yma'
- pensiynau galwedigaethol – defnyddiwch ddatganiadau'ch darparwr pensiwn neu'ch cyfriflenni banc i gyfrifo faint a gawsoch ar gyfer cyfnod y dyfarniad, fel y'i dangosir ar eich Adolygiad o Ddyfarniad
- rhai buddiannau a gawsoch o bosibl - gweler eich slip cyflog, P11D neu P2 am fanylion

Incwm arall

Mae incwm y bydd angen i chi roi gwybod i ni amdano yn cynnwys:

- rhai budd-daliadau nawdd cymdeithasol trethadwy – cyfanswm eich budd-daliadau nawdd cymdeithasol trethadwy chi a'ch partner (dylech hepgor Lwfans Ceisio Gwaith ar sail incwm a'r Atodiad Lwfans Gofalwyr os ydych yn byw yn yr Alban)
- unrhyw incwm arall – cyfanswm eich incwm arall chi a'ch partner, er enghraifft, incwm o gynilion ond nid Cymorth i Gynilo, peth incwm rhentu neu Bensiwn y Wladwriaeth

Bydd dim ond angen i chi roi gwybod i ni am incwm a gawsoch yng nghyfnod y dyfarniad ar eich Adolygiad o Ddyfarniad.

- 🔗 I gael rhagor o wybodaeth am incwm, ewch i www.gov.uk/tax-credits-working-out-income
- 🔗 I gael taflenni gwaith i'ch helpu i gyfrifo'ch incwm, gan gynnwys unrhyw fuddiannau a didyniadau, ewch i GOV.UK a chwilio am Nodiadau TC603URD.

Didyniadau

Mae'n bosibl y bydd didyniadau y gallwch eu gwneud wrth gyfrifo'ch incwm cyflogaeth ar gyfer credydau treth, er enghraifft:

- y £100 cyntaf o unrhyw daliadau wythnosol o Dâl Mamolaeth Statudol, Tâl Tadolaeth Statudol, Tâl Statudol ar y Cyd i Rieni, Tâl Statudol Rhieni mewn Profedigaeth a Thâl Mabwysiadu Statudol
- cyfraniadau pensiwn yr ydych yn eu talu y tu allan i'ch cyflog neu o'ch incwm net, gan gynnwys unrhyw ryddhad treth sy'n ddyledus o gyfanswm incwm eich cartref

Gordaliadau Credydau Treth

Os ydym wedi talu gormod o gredydau treth i chi, byddwn yn anfon manylion y swm sydd arnoch naill ai i'r Adran Gwaith a Phensiynau (DWP) neu'r Adran Cymunedau (DfC) – os ydych yn byw yng Ngogledd Iwerddon. Cyfrifoldeb yr Adran Gwaith a Phensiynau neu'r Adran Cymunedau yw casglu'r arian.

Os oes angen help arnoch:

- 🔗 ewch i www.gov.uk/browse/benefits/manage-your-benefit
 - ffoniwch 0300 200 1900
 - gwasanaeth Relay UK (Saesneg yn unig) os na allwch glywed neu siarad ar y ffôn, 18001 0345 300 3900
- 🔗 I gael gwybod beth yw ein horiau agor, ewch i www.gov.uk/cymraeg a chlicio ar 'Cysylltu â CThEF' o dan y pennawd 'Treth'
 - ffoniwch 0300 200 1900 i dderbyn fersiynau Cymraeg o ffurflenni a chanllawiau